

Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH broj 2/10) i Prijedloga Komisije za ekonomski razvoj i poljoprivredu Skupštine Brčko distrikta BiH, broj: 01. 6-05-1265/11 od 13. 12. 2011. godine, Skupština Brčko distrikta BiH na 57. redovnoj sjednici održanoj 28. decembra 2011. godine, usvaja

## **ZAKON O IZMJENAMA I DOPUNAMA ZAKONA O POREZU NA DOBIT**

### **Član 1**

U članu 13 Zakona o porezu na dobit u Brčko distriktu BiH (Službeni glasnik Brčko distrikta BiH broj 60/10) iza stava 5 dodaje se novi stav 6 koji glasi:

„(6) Na porezni gubitak iskazan u poreznom bilansu za 2010. godinu primjenjuju se odredbe ovog člana“.

### **Član 2**

U članu 21 Zakona o porezu na dobit u Brčko distriktu BiH, iza stava 2 dodaje se stav 3 koji glasi:

„(3) Ukoliko strano pravno lice obavlja poslovnu djelatnost preko stalnog mjesta poslovanja u Distriktu, onda se porezna godina stranog pravnog lica može koristiti za utvrđivanje dobiti koja se odnosi na to stalno mjesto poslovanja u Distriktu na osnovu posebnog akta Direkcije za finansije“.

### **Član 3**

U članu 24, iza stava 1 dodaje se stav 2 koji glasi:

„(2) U podatke iz godišnje porezne prijave za utvrđivanje akontacija poreza na dobit ne uključuje se dobit, odnosno gubitak iz prijelaza.“

Postojeći stav 2 postaje stav 3.

### **Član 4**

U članu 29 stavu 1 briše se tačka g).

### **Član 5**

Član 38 mijenja se i glasi:

„(1) Poreznom obvezniku koji na teritoriji Distrikta izvrši ulaganja u zemljište, građevinske objekte, postrojenja i opremu (mašine), namještaj i transportna sredstva za obavljanje vlastite registrovane djelatnosti, porezna osnovica se umanjuje za iznos izvršenog ulaganja u toj godini, s tim što umanjenje porezne osnovice ne može biti veće od od 50% oporezive osnovice utvrđene na način propisan članovima od 5 do 19 ovog zakona.

(2) Prilikom umanjenja porezne osnovice iz stava 1 ovog člana uzima se u obzir samo cijena koštanja uložениh sredstava u toj godini.

(3) Sredstvima iz stava 1 ovog člana ne smatraju se: putnički automobili, osim automobila za taksi prevoz, rent-a-car, obuku vozača i specijalnih putničkih automobila sa ugrađenim uređajima za

bolesnike; namještaj, osim namještaja za opremanje hotela, motela i restorana.

(4) U slučaju otuđenja osnovnih sredstava iz stava 1 ovog člana prije isteka roka od pet godina porezni obveznik gubi pravo na porezni podsticaj umanjenja porezne osnovice za iznos izvršenih ulaganja.

(5) U slučaju iz stava 4 ovog člana, porezni obveznik je dužan da otuđenje osnovnih sredstava prijavi nadležnom poreznom organu u roku od trideset dana od dana otuđenja tih sredstava“.

#### **Član 6**

U članu 39 dodaju se stavovi 3 i 4 koji glase:

„(3) Porezni obveznik ima pravo na umanjenje porezne osnovice iz stava 1 ovog člana i u slučaju da raskine ugovor o radu s jednim brojem zaposlenih, ako u istom poreznom periodu zaposli više lica na neodređeno vrijeme nego što je broj zaposlenih s kojima je raskinut ugovor o radu.

(4) U slučaju iz stava 3 ovog člana, porezna osnovica se umanjuje za pozitivnu razliku između bruto plata isplaćenih novozaposlenim radnicima i bruto plata, koje bi od dana raskida ugovora o radu do kraja poreznog perioda primili radnici s kojima je raskinut ugovor o radu“.

#### **Član 7**

U članu 40, iza stava 3 dodaje se novi stav 4 koji glasi:

„(4) Na osnovu posebnog akta Direkcije za finansije, dobit iz stava 2 ovog člana može se podijeliti na pet dijelova na način da se uveća porezna osnovica koja je utvrđena na način propisan članovima od 5 do 19 ovog zakona u prvih pet poreznih godina“.

Stav 4 postaje stav 5.

#### **Član 8**

Ovaj zakon stupa na snagu 31. 12. 2011. godine i objavit će se u Službenom glasniku Brčko distrikta BiH.

Broj: 01-02-503/11

Brčko, 28. decembra 2011. godine

PREDSJEDNIK  
SKUPŠTINE BRČKO DISTRIKTA BiH

**Esad Atić, s.r.**